

LIGHTING PARADE A IMPRESIONA ATROBE

ORANJESTAD (AAN): Miles di hende a subi cay diasabra anochi despues di parada di Noord, pa un biaha mas na Playa goza di e parada di luz di Aruba Tivoli Club.

Tabata un anochi cu un biaha tanto publico local como bishitantenan a goza masha hopi di e topiconan cu a ser presenta y e piezanan dorna cu miles di luz riba cay.

Hasta na final di e parada cu e trucknan di DOW a bini patras, tabata publico cu a goza e coremento banda di otro di e trucknan y cu tur nan luznan sendi.

E parada a cumiza cu e historia di ATC cu e pieza "Since 1921", sigu pa un bunita pieza di un boto vikingo y despues e pieza di helm, escudo y sable vikingo cu a cay hopi na agrado di publico. Nan tabata acompaña pa Jamming brass.

E piezanan cu a causa hilaridad den publico cu tur sorto di comentario humor-

istico tabata e cushina, e pieza di Spagethi y e hasamento di ham cu webo. E grupo tabata acompaña pa musica di Original Band.

Masha bunita tabata e Osterizer cu a ser hopi comenta.

Un preciosidad tabata e prome baile di mascarada cu a ser representa cu e pieza di 1954 masquerade ball acompaña pa musica di Discoteca Mobil y Savage

Brass.

Despues cu Maria Monica v.d. Bosch reina juvenil di carnaval di Aruba Tivoli Club y di Aruba 1994 a pasa, y tambe Academy Brass publixco por a goza di e splendornan di universo cu luna, solo, cometa bao di tononan di Eclipse, e bunita di Venecia y Toren schuin di Pisa como pieza cu a cay na agrado di hopi hende.



jazzy island, sigui pa Dera Gay y High Winds.

Locual a cay hopi na smaak tabata momento cu Grasshoppers cu a acompaña e parti aki, a resona "truck di mi tata" estilo soca.

Despues di e grupo di Halloween, tabata tin den e parti di cultura Arubano y su fiestanan, e fiesta di fin di aña cu su pieza cu Dande, pagaranan, vuurwerk etc. cu a ser masha aplaudi, sigui pa e rumberanan, Mascarada 40 aña, e caha di Harlekin y musica di un Discoteca mobil.

Finalmente a cera e parada e pieza di cartanan cu tambe tabata un belleza.

Publico a haya un double treat di Aruba Tivoli Club na final di parada, caminda primeramente Dushi Band a atrae algun cien hende su tras pa balia den e jump up final, y poco mas atras tabata Oreos cu otro cantidad di cien hende den jump up, prome cu polis y trucknan di DOW tur na luz a cumpli cu nan tarea.

Tras di e grupo aki Qua Si tabata resona su tononan, prome cu e bar di XX masha bunita cu su luznan, pa sigui cu e roadpiecenan di Bandera, escudo di Aruba, caha di orgel, cadushinan y aloe y cu e prikichi bunita asina riba un mata di dadel. E prikichi aki so a duna un realce na e pieza den su totalidad.

Festival di Jazz a ser representa cu e pieza di One